

## AUGLÝSING

### um útgáfu verklagsreglna um starfsemi rafverktaka og um starfsemi skoðunarstofa og rafveitna.

Í samræmi við reglugerð um raforkuvirki nr. 264, 31. desember 1971 með síðari breytingum hefur Rafmagnseftirlit ríkisins í dag gefið út verklagsreglur um starfsemi rafverktaka. Það hefur einnig í dag í samræmi við ákvæði sömu reglugerðar gefið út verklagsreglur um starfsemi skoðunarstofa og rafveitna.

Verklagsreglurnar eru fáanlegar hjá Rafmagnseftirliti ríkisins, Síðumúla 13, 108 Reykjavík, sem gefur nánari upplýsingar um þær.

*Íðnaðarráðuneytið, 26. júlí 1993.*

F. h. r.

**Björn Friðfinnsson.**

*Sveinn Þorgrímsson.*

## AUGLÝSING

### um breytingu á gjaldskrá Fjarskiptaeftirlitsins nr. 129/1993.

1. gr.

Við 6. gr. bætist ný málsgrein:

Ofangreind gjöld gilda einnig fyrir útvarpssenda á örbylgjutíðnum, 2,5–2,7 GHz, en greiðast að fullu frá og með útgáfu leyfisbréfs.

2. gr.

Auglýsing þessi, sem sett er samkvæmt lögum um fjarskipti nr. 73/1984, sbr. lög nr. 32/1993, staðfestist hér með til að öðlast þegar gildi og birtist til eftirbreytni öllum þeim er hlut eiga að máli.

*Samgönguráðuneytið, 30. júlí 1993.*

**Halldór Blöndal.**

*Halldór S. Kristjánsson.*

## AUGLÝSING

### um umferð á Siglufirði.

Að fengnum tillögum bæjarstjórnar Siglufjarðar og samkvæmt heimild í 81. gr. umferðarlaga nr. 50/1987, eru hér með settar eftirfarandi reglur um umferð á Siglufirði:

Einstefnuakstur verður á Lækjargötu milli Aðalgötu og Eyrargötu frá suðri til norðurs.

Bifreiðastöður verða aðeins heimilar vinstra megin götunnar miðað við akstursstefnu.

Ákvæði auglýsingar þessarar taka gildi þegar í stað.

*Sýslumaðurinn á Siglufirði, 27. júlí 1993.*

**Halldór Þ. Jónsson, settur.**